



Universitätsbibliothek Paderborn

**Doctor Mellifluus S. Bernardus Magnæ Matris Cultor
Eximus, Et Ex Ordine Sancti Benedicti Sacellanus
Quartus. Sive Ea quæ Doctor mellifluus de laudibus
Virginis Matris scripsit in gratiam magnæ ...**

Bernardus <Claraevallensis>

Nevhvsii, MDCLXXV.

Meditatio. In Salve Regina. Tom. 5. pag. 294.

urn:nbn:de:hbz:466:1-37156

exte non resplendeat, & quicquid singuli habuere Sancti, tu sola possedisti. Lectulus es Salomonis, de quo in canticis: *En letulum Salomonis septuaginta fortis ambiunt ex fortissimis Israël, omnes tenentes gladios, et ad bella doctissimi.*

MEDITATIO.

In SALVE REGINA.

Tom. 5. pag. 294.

AD salutandum Virginem primò debeo ejus magnitudinem considerare. Nec enim circa suum Filium amplius potuit elevari, quam ut Mater Dei vocaretur. Admirans ergo magnificentiam Matris nostræ devotè & reverenter dico, *Salve Regina.* Sub tuo regimine Domina, volo de cætero militare, me totaliter Dominationi tuae committo: ut plenariè regas, nihil meæ insipientiæ dimittens de mei regimine. Quicquid enim mihi dimiseris, noveris miserrimè destruendum. Sed cum plenus sim miseriâ à vertice usque ad pedum plantas, & putrefactus, fœtorem gravem & horrorem quomodo dignaberis regere tam nobilis creatura? Quia tu es *Regina misericordiæ:* Et qui sunt misericordiæ subditi, nisi miseri? Multum es sollicita de miseri: hos in tuos filios adoptasti, hos regere Domina voluisti: & ideo *Regina misericordiæ* vocaris. Nos ergo miseri tecum de cætero consolemur, tecum a modò Domina habitemus, te mentis visceribus amplectamur? Quia tu es *vita.* Vita verè, quæ mortem superbiæ humilis vicisti, & nobis vitam gratiæ impetrasti. O certè vita amabilis, vita desiderabilis, vita delectabilis, ô vita quæ nutrit tuos cælestibus alimentis. Qui enim vult te habere, se affligat, delicias respuat, delicata quæque contemnat: & qui amplius mortificatus fuerit, te amplius possidebit.

Dulcedo

Dulcedo, verè dulcedo, quæ amaritudinem peccati impe-
trando gratiam expellis, quæ nobis gratiæ dulcorem acquiris,
quæ ad tuavitatem patriæ cœlestis contemplantes introducis.
O dulcis Domina; cuius sola memoria affectum dulcorat: cu-
jus magnitudinis meditatio mente elevat: cuius pulchritudo
oculum interiorem exhilarat: cuius amœnitatis immensitas cor
meditantis inebriat. O Domina quæ rapis corda hominum dul-
core, nonne cor meum Domina rapuisti? Ubi quæso posuisti
illud: ut ipsum valeam invenire? O raptrix cordium, quando
mihi restitues cor meum. Quare sic corda simplicium rapis?
Quare violentiam facis amicis? Nunquid ipsum semper vis te-
nere? Cùm illud postulo, mihi arrides: & statim tuâ dulcedine
conspicitus quiesco. Cùm in me reversus iterum illud postulo:
me complexaris dulcissima, & statim inebrior tui amore: tunc
cor meum non discerno à tuo, nec aliud scio petere, nisi tuum.
Sed ex quo est cor meum tuo dulcore sic inebriatum, gubernata
illud cum tuo, & in sanguine Agni conserva, & in latere Filij col-
loca: tunc assequar quod intendo, & possidebo quod spero, quia
tu es *spes nostra*. Sperent ergo in te qui noverunt nomen tuum,
quoniam non dereliquisti quærentes te Domina. Certè qui spe-
rant in te, mutabunt fortitudinem: assument pennas, ut aquilæ:
volabunt & non deficiant. Quis non sperabit in te, quæ etiam
adjuvas desperatos? non dubito, quod si ad te venerimus, habe-
bimus quod volemus. In te ergo speret: qui desperat: qui defi-
cit, ad te currat.

Salve. Quis ergo de cætero nos à tui salutatione poterit
prohibere, ex quo sic es vita, dulcedo, & spes nostra? *Salve*. Quis
ergo ex quo Regina es nostra, à tua reverentia nos poterit sepa-
rare vel impedire? Primò es Domina salutanda, ut per te gratia
impetretur. Secundò, ut per te ad gloriam veniatur. *Ad te*. Ad
te verè quia tu sola Deum genuisti, tu sola interemisti universam
hæreticam

hæreticam pravitatem. Ad te certè quæ lavas nos à fecibus peccatorum, quæ nos consolaris in cunabulis vagientes, lactas parvulos esurientes. *Clamamus.* Quare non clamaremus Domina, qui vulnera sustinemus, plagas sentimus, qui inimicis undique circumdamur. Clamamus angustiati miseriis infinitis oppressi. Clamamus cordis anxietate, stomachi vacuitate, doloris acerbitate, aut fortè erga te amoris immensitate. Quare enim obdormis Domina? Surge adjuvanos. Clamamus etiam, ut nostram manifestemus necessitatem: quia clamare necessitas nos compellit, quid nos amplius affligis? Si multum tardaveris, vocem amittam clamando, & ad te amplius vociferare nequibo. Heu mihi tunc quid faciam: cùm nec exaudire me poteris, nec audire. Citò, citò Domina subvenias clamanti, ne in manibus deficiam inimici, curre, festina Domina, & tuum iniquissimum & infidelissimum servum ad te clamantem parcendo adjuva, & eripe de manu & periculis tui hostis. Si aliud te alliceret Domina non deberet, nisi quia tuus hostis audet nos tuos servos invadere fraudulenter, deberes ad nos quām citius festinare. Curre & libera nos Domina propter eorum superbiam reprimendam. Curre, ne dicant: ubi est eorum Domina, de cuius clementiā confidebant.

Ne mireris Domina, si clamamus, quia sumus ad te nimium elongati. In regione longinqua dissipavimus partem nostram, & ideo *ad te clamamus exules.* Exules à patria, exules à visione divina: & utinam non exules à gratia, exules à consolatione maternâ. O anima, cur non es potius à corpore separata; quām à tua Domina exulta facta. Heu mihi, cur sum in tam longum exilium relegatus. O Domina, dum hīc sumus exules, constituas nos, ne hīc tanquam in Patria confidentes te & tuum Filium querere desistamus, sic tamen constituas exules in corpore, ut semper tecum simus cives in mente. *Filiij Evæ.* Verè filij Evæ;

X superbi,

superbi, præsumptuosi, ambitiosi, avari, gulosi & carnales inobedientes, & breviter in omnibus ipsam Eam sequentes, pro ni sumus ad malum, difficiles verò ad bonum: & si contingat aliquem filium bonorum operum generare, cum quodam cor dis dolore & tristitia parturimus: sed malum cum lætitia perpetramus, nec bonis sufficiunt mala nostra, sed sicut ipsa Eva, ita & nos alias inclinatus ad malum, & etiam sicut ipsa, ita & nos in defectibus excusamus, aut saltem si possumus in alios retorquemus. Plus enim placet nobis in multo sudore & labore vilia acquirere; quam Dominum gloriae degustare, & ipsum levissime, imò dulcissime possidere. Nisi enim nos Domina adjuvisses, fortassis jam in inferni profundissima venissemus.

Nec est quod nos valeat excusare, qui non Te, sed Eam in omnibus imitamur, ac per hoc ad te suspiramus. Suspiramus autem de tam bona Matris absentia, venire Domina ad te cupientes. *Suspiramus ad te, videre Filium tuum affectantes.* Nimius ergo amor quo erga te sumus inebriati intrinsecus, cogit nos ad te Domina suspirare. Omnibus es amabilis, omnibus affabilis, omnibus delectabilis; sedes sapientiae, fluvius clementiae, radius Deitatis: nec est qui se abscondat à calore tuo. Quis ergo ad te Domina non suspirabit. Amore suspiramus, etiam & dolore. Undique nos angustiae premunt. Quomodo ergo ad te non suspiremus, solatium miserorum, refugium expulsorum, libertatio captivorum, Regina bellatorum, Domina universorum, etiam inimicorum: nec est qui tuæ voluntati valeat obviare. Sic afflitti, sic miseri ad te suspiramus. *Gementes & flentes in hac lacrymarum valle.* Heu Domina, non vides, quòd totaliter sumus amaritudine pleni? Intus sumus gementes, exterius flentes, in loco lacrymoso jacentes: onerati peccatis gemimus, aggravati molestiis flemus, abundantes miseriis in valle lacrymarum sumus

mus tuum subsidium postulantes. Quid amplius dicam: nec sufficio nec scio omnia detestabilia hujus vallis enarrare.

Eia ergo Advocata nostra. O laudabilis clementia Salvatoris, qui sic afflatis tam nobile subsidium dignatus est elargiri: & ideo non est timendum, quin miserearis miseris, ad illam partem inclinans, sententiam quam defendis, ut nobis exhibeas gloriam quam peperisti: non ergo restat Domina, nisi ut illos misericordes oculos ad nos convertas. *Eia ergo Advocata nostra* *illos tuos misericordes oculos ad nos converte*: non dubitamus Domina, quum si nostras aspiceris miserias, non poterit tua miseratione suum retardare effectum. Mirabiles nec non amabiles illi tuorum radij oculorum quibus nos allicis ad amorem, & ad plenam ducis salutem, ne venenatos oculos basilisci timeamus. O Evæ oculi venenati, cur non offertis vos oculis Virginis, si vultis perfectam recipere medicinam, nam suorum claritas oculorum tenebras expellit, effugat catervas dæmonum, purgat vitia mentium, corda congelata accendit, & demum ad cœlestia trahit. O quam beati, ô Domina, quos tui viderint oculi! Hos ergo oculos ad nos Domina converte. *Et Iesum benedictum fructum ventris tui nobis post hoc exilium ostende.* O venter mirabilis, qui potuit capere Salvatorem: ô venter laudabilis, qui potuit recipere Redemptorem: ô venter desiderabilis, è quo emanavit desiderium mentium, gratiarum fluvius, gloriæ præmium: ô venter amabilis & dulcedo animæ, ô elevatio mentium, inebriatio cordium, sanitas peccatorum. Fructus tuus Domina. Hic certè est fructus beatus à principio lui ortus. Hic est Iesus Dei vivi Filius. Hic est Salvator noster Dominus Deus. Hunc Iesum benedictum fructum ventris tui nobis post hoc exilium ostende. ut videndo ipsum habeamus: ipsum videndo, beatitudine repleamur, ô clemens, ô pia, ô dulcis Maria. O clemens indigentibus, pia exorantibus, dulcis diligentibus: ô clemens pœnitentibus,

tibus, pia profcientibus, dulcis contemplantibus: ô clemens liberando, pia largiendo, dulcis te donando: ô clemens conso-lando, pia blandiendo, dulcis osculando. Clemens es subjectis, pia jam correctis, dulcis prædilectis, Amen.

S E R M O.

In Canticum V I R G I N I S M A R I A E.

Magnificat anima mea Dominum.

Tom. 5. pagin. 309.

Magnificat anima mea Dominum. Magnificat voce: magnificat opere: magnificat affectu. Magnificat laudando, amando, prædicando. Magnificat, laudandi, amandi & magnificandi formam simul & materiam dando. *Magnificat anima mea Dominum*: quia magnificè à magnifice Domino magnificata est. In primis ad imaginem & similitudinem Dei, anima mea mirabiliter à Domino creata est; sed postea in Adam mirabiliter de-formata, nunc mirabiliùs gloriòsiùs & magnificentiùs à Domi-no renovata est. *Magnificat anima mea Dominum*. Magnificat omnis creatura Dominum, sed amplius super omnem creaturam, anima mea Dominum magnificat. In omni enim creatu-ra, nihil tam magnificè fecit Dominus; sicut animam meam; Sed sicut Dominus voluit, sic factum est. *Magnificat anima mea Dominum*. Dominum magnifica, non temetipsum. Qui semeti-psum magnificavit, quantum in ipso fuit, Deum exhortoravit: & ideo non se exaltavit, sed præcipitavit. Tuum est te ipsum humiliare, Dominum exaltare.

Exultavit spiritus meus in Deo salutari meo. Vide qualis ordo: priùs cytharam, postea psalterium tetigit: priùs animam, postea spiritum posuit: non enim priùs quod spirituale, sed animale; de-indè